

صاحبی، مدیری، محرری:



آبونه بدلی:

سنه لکی ۱۰۰ غروش
آئی آیلنی ۵۰
اویچ آیلنی ۲۵

مخفل

۱۳۳۸

اداره خانه سی :
شهرزاده باشندہ (تعالیٰ اسلام)
جمعیتی مرکز عمومیتی
مرکز توزیمی :
باب عالی جاده سندہ (اتحاد
تجارت) کتبخانه سی
اسلامک نفعنه تخادم مقالات
مع التشر قبول و نشر اولونور

یازانک شخصتی دکل ، یازانک اهییتی
نظر دقتہ آیلنیر .

دینی ، علمی ، ادبی ، اجتماعی رشیدیلک شهری
نجموہ اسویہ در

کان یازیردن شایان قبول کورولنلرہ تاریخ
میراسیلہ درج ایدیلیر .

فی ۷ بوجوق غروش

۱۳۳۹ شعبانہ مخصوص نسخہ

عدد : ۱۰

مدرجات :

مخفل دینی و علمی : اوچنجی جواب - اسکیلی محمد عاطف .
مخفل انتقادی : امام غزالی والمضنون کتابلری - حافظ ابراهیم .
رضا . مخفل کیفیت تلفظی - طاهر المولوی .
مخفل تاریخی : شعبان المعظم ، لیلہ برات ، صرہ عابون ، ماهیہ ، یوم شک - طاهر المولوی .
مستجابی زاده عصمت
بک - سعود المولوی . سعید و امین خاکی بکار - طاهر المولوی .
مخفل ادبی : السہی - توفادی زاده شکیب اولدکدن صوکر - غنی کشمیری و بعض ابیاتی . طاهر المولوی .
بر رجا .
علاوہ : هند ماصالری

بینه باشلامق اوزره - ترك عشرت ايدنلره وصف اولورمش.
رند شاعرلردن برينك :

بن بوكيجه نيتلي يم اول خوان وصاله
زاهد بوروسن شهبه ايله روزه شك طوط

بيتنده (روزه شك) تعبير ايتديكي (يوم شك
اوروجي) نك كراحت و عدم كراحتي حقنده احكام
مخصوصه واردر .

شعبان گلهسي ؛ اسكيدن عثمانلي ادبياتنده عاشق
معناسنده قونلايليرمش . بوكون متروك اولان بو استعمالی :

ترا افكندمه و دلداده كشم
سكا بن تور كجهسي شعبانم اي دوست
و : شعبانم او مهر و به كه اسمي رمضاندر
اشك ترم آنكه چون اوچ ايلرده رواندر

ييتلرندن اوكره نيورز .

شعبانك ۲۹ سيده عثمانليلر ايجون تاريخي بركوندر .
چونكه : مشهور (كلخانه خط هايوني) ۱۲۵۵ سنه سنك
عيني آني وعيني كوننده [۳ تشرين ثاني سنه ۱۸۳۹] صدر
اعظم رشيد پاشا طرفندن كلخانه ميداننده كي آرسلانخانه نك
اوكتنده او قونمش ، او كونك ايام رسميه دن عديله كيجه سنده
قنديل يا قيلماسي و دوناما يا قيلماسي حقنده - ۴۸ مهرلي
برعر نحال ايله وقوع بولان استدعا اوزره رينه - اراده سنه
صادر اولمشدي .

طاهر المولوي

مستجابي زاده عصمت بك

مابعد :

بوتار يخذن صكره آلي آي قدر زواللي عصمتك
احوالندن خيردار اوله مدم . ۳۳۲ سنه سي ، واسطنده
اسپارته استيفاف مدعي عموميلكنه مأمور اولديغي استخبار
ايتدم . عصمتك يقيناً بيلديكم اخلاق واحواله نظراً

طويلانه جق زماني كلكله برابر مصور بديعه كار احمد
راسم بك افنديك بينه (مناقب اسلام) نده مندرج
(بركيجه) عنواني شه اثرندن بحثه تعلقي بولونان شو
قسملري نقل ايتمه دن كجه ميه حكيم :

«شهرك بولوحه ايله آراسي بر عظمت ، ساسنه طوغري
چيقان بيكلرجه شجاعات متناظره نك بخش ايتديكي نيرنكي
شبانده دن طولاني مهابت افروز ، مناره لرك بنديان منورلري
آره سننده كي فواصل برر هيولاي اسمر كي قائم ، قبه لرك
رصاص انهناسي هكوس قنديلدن بك بك منظور ، وجود
معابد بياض بادانه لرك درجات بعیده سنه كوره آشكار و مستور ،
اشكال مباني يالكز طامرينك ارتفاعاتيله موجود . خليج بتون
بتون غور فراشته چكلمش ، درين بر امتداد مظلم ، فقط
مختصر برز ساحل نوپيدا ايله محصور . زمين يسارينه حاكم
ايكي شاهقه معلومه سندن . برينه طراز عرش معلا اولان الواح
قدسيه دن (محمد رسول الله) نسخه ازيله سي نازل ، برنده عرق
رخسار مختاردن فيض آلمش . بركل تابدار نابت .

نه روحاني بركيجه . ساده طرف طرف نقوش و مصورات
بارليور : جسم بر شسيه ، درت كوزلي قديم برجسر هواي ،
بانك توحيد ، مؤنين آره سننده قوتلي قوتلي صعود ايدنه لرك پيرامن
انحاي الوهيته صيغينش بر (استغفر الله) ، غنچه لر آجش
بركابين رحمت ، تا اوزاقلرده ، احتمال كه بلغورلي صيرتلي اوزرندن
طلوع ايتش بر ستاره معظم كورينور .

يوم شك

و مغموم هواده شعبانك يكرمي طغوزيني ولي ايدن . كون
يوم شكدر كه هلال رمضانك مغموميتي سبيله شعبانك كمال (۳۰)
ويا نقصاني (۲۹ اولاسي) محتمل اوليقدن ناشي حقيقت حاله
علم وجهل كنديسنده مساوي اولان ، يعني رمضان ويا شعبان
اولديني بيلنه ميوب مشكوك فيه اولان كون ديمكدر - كتاب
الصوم - حاجي ذهني افندي .

يوم شك نيتنه سسيره چيقاركن جانان

صيق بوغاز ايتدي باصوب شخه شهر رمضان

بينه باقيليرسه اوكون استانبولده برگزيني و بچاق
سيلملي اولمق اوزره بر چاقيني يا بيليرمش . واقعا اسكي
عياشلير بيتنده (ايچي) و (بچاقچي) ديهه ايكي تعبير
واردر كه برنجيسي : ماهيه ايلرينك گه ريلديكي اون يش
شعبانده ، ديكرى ايسه حلول رمضانده - بايرام كوني

ایکی ضیاع

سعید و امین خاکی بکتر

عثمانی عالم عرفان و ادبی ؛ کچن آی ایچینده ایکی
قیمتلی خادمی غیب ایتدی که بری : کمال پاشا زاده سعید،
دیگری ده : دفتر خاقانی کتبه سیندن و طریقت مولویه
منسوبیتندن امین خاکی بکتر در . سعید بکک ماهیت معرفتی
حقنده ایچه یازی یازیلدی . ذاتاً حیاتنده طاینمش
وا کثرت عننده قیمتی تقدیر ایدیش بر ذات ایدی .
رحمة الله علیه . امین خاکی اینسه اخوانندن وسیل الرشادک
اسکی نسخهلری قارئلرندن باشقه لرجه معروف دکلدی .
او مجموعه ده بعض آثار ایله حجباً کوچوک بررساله
منظومه نشر ایله مش اولان خاکی ؛ سهاوی فطرت و علوی
طبیعت برشاعر ایدی . مداومی بولونیدی دفتر خاچه ده ،
اقدار تحریرینه رغماً آنجاق ۶۰۰ غروش معاشه
کچه بیلمشدی .

همسئلرندن یوز بیکلرجه سنی خاک شهادته سرن حرب
عمومی ؛ اساساً بیمار ضرورت بولونان بونحیف و حساس
کنجی ، رئلرندن یارالامش ، متسارکه ایامنده کی غلانی
دهشتله شدتی آرتیران ورمده فراش بیتابی به دوشورمشدی .
زاواللی چوجوق ؛ وفاته بر ایکی کون قاله اکمک
پارده سی یایمق ایچین پوتیلرینی صائمه مجبور اولدی .
نهایت بار حیاتی اولومک ، بیکس جنازه سنی ده اخوان
ویاراننک امانه سی قالدیردی .
داها زیاده یازامایه جنم . مرحومدن و آثارندن باشقه
وقت ده بحث ایدرم .

جناب حق ؛ الطاف السیه سیله مکافات معنویه سنی
احسان بویورسون .

شو پریشان سوزلر ؛ تاریخ ارتحالیدر :

جهان فانی ، اولوم امر مقرر بو ، حقک حکمتی الله اکبر
عدمدر مبدأ وانجام هستی شو و ازلق اورتی رده صانکه معبر
ذوی الارواح ایچین بر در باقیسه دهان قبر ایله آغوش مادر
مناره طوغرو خطوه هر تنفس تنفس ایله یین مجبور و مضطر

تکرار مأموریت حیاتی قبول ایتدی بیوک بر حادته ایدی .
تحمک فوقده دوچار اولدینی ضرورت وسفالت نتیجه سنده
بوصورتی اختیار ایتدیکی آشکار ایدی . واسفا که تأثر
وتحیفدن بشقه الدن برشی گلزدی . کندیسنه بر مکسوب
یازمق ، حال و خاطرنی استفسار ایتک تصورنده ایکن
اولجه ده قید ایلدیکم وجهله غزته لر وقوع ارتحالی خبر
ویردی لر . کمال تأثردن کونلرجه الم عصیی به گرفتار
اولدم . تلافی قبول ایتین بوضیاعدن ناشی اسلامیت
وعثمانیت نامنه آغلادم طوردم . افسوس که آنجق کفدم
سویلمه ، کندم دیکلدهم . حسیاته پک آز شریک بوله بیلدم .
شوسطرلری یازدیغ شو دقیقه لرده عینی جس الم مائله
متحسسم . مرحومک حال و شانی و فضل و عرفانی
پیش تامله آلیورمده زاده طبعی اولان :

الفک مادام هجراندر صوکی

آشالقی اولسه یدنی کاشکی !

بیتنی فرط اسفله تکرار ایده جکم کلیور .

ارتحال جزینفی تورخ ایتک ایستدم . ایستدیکم کبی
دکل حتی ایسته مدیکم قدر بیله برشی وجوده کتیردمدم .
حد طبیعی بی تجاوز ایدن سرور و کدرده انسان حواسندن
تجرّد ایدیور ، بناءً علیه او یله زمانلرده الکبلیخ ترجان
حسیات سکوت اولیور .

عصمت بک کبی بر استاد بلند ادبه اصلا لائق اولیان
تاریخ آتی بی محضا کوستردیکی رقمک خاطری ایچون
درج ایدیورم :

برالهی ادیب کامل ایدی واصل اولدی جدایه عصمت بک
اوقو بر فاتحه یله تاریخن رحلت ایتدی بقایه عصمت بک .

۱۳۳۵

سعود المولوی

مابعدی وار

